

سنة لکی درسمات ایچون مجیدیه
یکرمی غروش حسابیله التمش
غروشدر

طمره ایچون پوسنه اجرتی اوله رق
اون بش غروش ضم اولنور

نسخه سی ۴۰ پاره در

فکر دیک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور. محتویاتی امور عدلیه متعلقدر

تبلیغات

جرائم متنوعه دن طولانی محاکم عائد سنجه لاحق
اولان احکام جزائییه حیوی اوراق تمیزیه بعض
طرفدن غیر منتظم برحاله کوندلر مکده و ملفوفاتی
پراکنده صورتده قونلقد اولمندن ناشی تدقیقات
تمیزیه جه بونلردن ایجاب ایدلرک تفریق و تحریسی
باعث اضاعه اوقات و داعی مشکلات اولمسنه و اوراق
تمیزیه نیک دوسیه اصوله توفیقاً صورت منتظمه
و مضبوطه ارسالی تسریع و تسهیل معاملات مستلزم
احوالدن بولمسنه مبنی بعدازین اعلامات حکمیه ایله
محاکمه ضبط نامه لرینک و تمیز استعدا نامه و لایحه لر
و ارایسه آنلرک ملفوفات بوضله لرینه صره ترتیبی و جهله
صاریلهرق و اوراق اساسیه و متفرعه سی میانه آریجه
قونیلهرق تساری موجب سهولت و بادی مضبوطیت
احوالدن کورنمش و برده نظارت جلیله و ورود ایدن
محدرات متنده شرائط تمیزیه جهل سندن اولان جزای
نقدیلر ایله قیدیه خرچلرینه دائر کوندریلان جک
و پولیچه و پوللر ذکر و اشعار اولمندیکی کبی ملفوفات
بوضله لرینه دخی درج ایدلیوب بونلر اوراق میاننده ظهور
ایتمکده و پوسنه خانه واسطه سیله کوندریلان مذکور
جزای نقدیلر ایله قیدیه خرچلرینک دخی محل
ارساللری اشعار ایدلیوب لاعلی التعین کوندلر مکده
بولنمش اولمسیله اوراق تمیزیه تحریات و معاملات
لازمه نیک اجرایی ضمتنده محکمه تمیز دواثریله
محاسبیه تودیع اولنهرق بوندن طولانی ده تأخرات
وقوع بولمقده و بعضاً بونلردن برطاقنک دواثر مذکوره
وزودینه و محلی پوسنه علم و خبرلرینک ارساله دائر
معلومات بولنه مامقده اولمسی حسابیله بوندن بویه
محدرات مرسله ده جک و پولیچه و قیدیه خرچیه
پوللرک نوع و مقدارینک تعین و اشعاری و کرک نسبی
و کرک پوسنه پوللری و زنه لرجه قبول ایدلر مکده
اولدیغندن آنلرک رینه مقطوع پول تساری و پوسنه خانه
واسطه سیله کوندریله جک خرچلرک دخی محلی پوسنه
خانه لر نجه اعطا اولنهرق تودیع علم و خبرلرینک اصل

محاکمات و مقدمات

درسمات منابت محکمه سنه :

ویا مصدق صورتلرینک برلکده ارسالی انتظام معامله یی
تأمینه مدار اوله جفی درکار بولنمش اوله جغندن بختله اقتضا
ایدلرک تبلیغات اجرایی باش مدعی عمومیلک مأموریت
بهیه سندن با مذکره افاده قلمش اولمغه اولوجهله ایضای
معامله یه اعتنا اولمسی لزومنک ایجاب ایدلرک تبلیغی
ضمتنده عدلیه نظارت جلیله سندن ولایات شاهانه
استیناف محکمه سی مدعی عمومیلرینه تعمیماً اجرای
تبلیغات اولنمشدر .

ارباب فساددن اولدیغی ادعاسیله متهم بولنان
ماردیروس جاجیان در دست ایدیه مامش
اولدیغندن اشبوتاریخدن اعتباراً جانب ریاستدن
کندوسنه مجدداً اون کون مهل اعطا قلمشدر
مهل معین ظرفنده مرقوم محکمه یه کلدیکی حالد
قانونه اطاعت ایتماش نظریله باقیله رق حقوق
مدنیه دن اسقاط قلنه جفی و علیهنده دعوا یه قیام
اولنه جفی و محاکمه غیابیه سی ائشاده اموالنک
حجز آلتنه آلتنه جفی و بوضه ده برکونه ادعا یه
حق اوله میه جفی و بالجله ضابطه عدلیه مأمور -
لرینک کندوسنی طومغه مجبور بولنلر قلی
کبی معاملات جزیه حقنده دخی مدعی
عمومیلک تبلیغات مقتضیه اجرا ایدلرکی جهته
اصول محاکمات جزائییه قانوننک اوچوز یتش
برنجی و اوچوز یتش ایکنجی ماده لرندن
استنباط اولنان احکامه توفیقاً اشبو قرارنامه
بالتظیم اعلان اولنور .

محکمه تمیز استعدا دائره سندن تنظیم و اعطا
قلنان اعلامدر :

قونیه ولایتی مرکز بدایت محکمه سی جزا
دائرة سیله هیئت اتهامیه سندن لاحق اولان قرارلرک
یکدیگرینه مابین اولمسندن طولانی تعین مرجع
دعوی طلبی متضمن ولایت مذکوره استیناف
محکمه سی مدعی عمومیلکندن ۲۹ کانون نای سنه
۳۲۱ تاریخی تحریراته ارسال اولنان اوراق باش
مدعی عمومیلک مأموریت بهیه سنک ۷ مارت سنه ۳۲۲
تاریخی تبلیغنامه سیله محکمه تمیز استعدا دائره سنه
تودیع اولمغه قرائت و مطالعه اولندی .

اوراق مرقومه مألرینه نظراً فتاح اوغلی سیدی
قتل قصدیه جرح ایدلکاری ادعاسیله مظنون علیهم
اولان ابراهیم و رفقاسنک جنایتله لزوم محاکمه لرینه
دائر مستنطق طرفندن ویریلان قرارنامه هیئت
اتهامیه جه بالتدقیق مرقومونک فعللری جنحه درجه
سند کوریلهرک بدایت محکمه سنه تودیع ایدلرک جریان
ایدن محاکمه ده فعل واقع جنایت نوعندن کوریلهرک
رؤیت دعوی وظیفه خارجنده بولندیغنه و تعین مرجع
ضمتنده اوراقک دائره عائد سنده ارساله قرار ویرلش
و بوقرار استیناف ایدیلهرک استینافاً جریان ایدن
محاکمه ده قرار مزبور فسخ ایله تکرار بدایت محکمه سنه
کوندلر سنه و بدایت محکمه سنه دخی اوراقک مستنطقلرک
تودیع و مستنطقلرک جهده تکرار قرار اعطاسنه محل
اولدیغندن بختله اوراق دعوی مدعی عمومیلک عاده
ایدلش و شوصورتله مرکز بدایت محکمه سیله هیئت
اتهامیه مقرراتی بیننده حاصل اولان اختلافک تعین
مرجع صورتیله فصلی محکمه تمیزه عائد بولنمش
اولدیغندن بختله مقتضای قانونینک ایفای بیان
و اشعار و مارالذکر تبلیغنامه ده دخی مرکز بدایت
محکمه سنه جرم مذکور جنایت نوعندن کورلمسی
اوزرینه مستنطقه تودیعیله ویریه جک قرار اوزرینه
کیفیتک هیئت اتهامیه جه تدقیقه اختلاف حاصل
اولدیغی حالد مرجع دعوی تعین قلمبق مقتضی اولوب

بوجه نظر تدقیقه آتمامش و بنا علیه شمدیدن تعیین مرجعه محل کوریله مامش اولدیغندن اوراق دعوانك محله اعاده سی لازم کله چکی انبا اولمشدر . ایجابی لدی المذاکره محکمه مذکورجه فعل واقع جنایت نوعندن کورلدیکی حالده اصول محاکمات جزائییه قانونك یوز تیش یندیجی ماده سی موجبجه کیفیت تکرار مستطقه لدی الحواله وریله چک قرارنامه اوزرینه هیئت اتهامیه جه فعلك ینه جنجه درجه سنده اولدیغنه قرار وریلور ایسه اولوقت تعیین مرجع ضمنتده اوراقك محکمه تمیزه ارسالی لازم کلوب شمدیدن تدقیقات تمیزیه اجراسنه مساع قانونی اولدیغندن مدعی عمومینک تعیین مرجع حقتده وقوعبولان طلبك ردیه اوراق مرقومه نك محله اعاده سنه ۱۵ مارت سنه ۳۲۲ تاریخنده متفقاً قرار ویرلدی .

محکمه تمیز حقوق دائره سندن - نظم واعطا قلمان اعلامدر :

کره سون قضاسنك فار محله سنده مقیم تیاردن پایا آندون اوغلی واسیل ایله محله مذکورده ساکن بلاصنت یورکی پاپادوبلو پیننده متکون دعوایه دائر کره سون بدایت محکمه سی تجارت قسمندن ۲۸ اغستوس سنه ۳۱۷ تاریخنی و قرق درت عددی ایله وریلان اعلام مرقوم واسیل طرفندن تمیز ایدلکه اعلام مذکور طرفینک اعتراض وجواب لایحه لرله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مالی کا کول اوغلی خرملبو نام کسنه نك مقدما کره سون حقوق محکمه سنه مراجعتله مرقوم واسیلک یورکی پاپادوبلو به برقطعه سندمو جنبه مدیون اولدیغنی الی یدی عدد عثمانی ایراسنی حواله وجیرو طریقله کندوسی قبول ایدرک اولجه مبلغ مذکورک تحصیلی تجارت محکمه سنده دعوی ایش ايسه ده محکمه مذکورجه سند مذکورک عادی سند حکمنده بولمسنن دولای دعوی واقعنه نك حقوق محکمه سنه عادیته قرار ویرلش اولدیغنی بالیسان مبلغ مذکورک مرقوم واسیلدن مع فائض تحصیلی طلب ودعوی ایله ابراز ایلدیکی سندی مدعی علیه مرقوم واسیل اقرار ایتدکن صکره بو مثللو جیرو ایدلش سنداته متفرع دعاوینك حقوق محکمه سنده باقیله میجفی و اساس دینه کلنجه کندوسنك اقرارنده کاذب بولدیغندن اصل داین بولنان یورکی پاپادوبلونك جلیله اجرای تحایفی مدافعه بیان و بر قطعه علم و خبر ابراز ایتسی اوزرینه مرقوم یورکینک دخی جلیله سبق ایدن محاکمه و تدقیقات نتیجه سنده مذکور علم و خبرك مبلغ مدعا به شمولی اولدیغنی

اکلاشلمش و وقوعبولان تکلیف موجبجه مرقوم یورکی مدعی علیه مرقوم واسیلک اقرارنده کاذب اولمادیغنه ین ایش اولغله مذکور الی یدی لیرانك فائضیه برابر مرقوم واسیلدن تحصیلنه دائر کره سون حقوق محکمه سندن وریلان اعلامك عندالتمیز مدعی علیهک تیاردن اولسلیله دعوی واقعنه نك فصل ورؤیتی تجارت محکمه سنه عادی ایکن حقوق محکمه سنده باقمسی و میرسند کدشته مقاوله نامه سی حاوی اولغله امتیازی زائل وجیروسی غیر جائز اولدیغندن سندك حامل اولی طرفندن اقامه دعوی اولدیغنی صورتده حکم اولمقی لازم کلور ایکن حامل نانی بولنان مرقوم خرملبو جانبندن اقامه اولنان دعوانك قبول وحکم اولمسی اسابندن دولای فاضیه تجارت محکمه سنه حواله قلمسی اوزرینه محکمه مذکورجه لاجل المحاکمه تعیین قلمان کونده مدعی علیه مرقوم واسیل کدیکنندن غیاینده وکیل مسخر تعیینله جریان ایدن محاکمه نتیجه سنده مقدما حقوق محکمه سی صفیه جریان ایدن محاکمه مبلغ مدعا بهی حاوی اولان سندی مدعی علیه اقرار ایله مزبور الی یدی لیرا حقتده واقع اولان اقرارنده کاذب اولدیغنی ادعا ایش ومدعیده مرقومک اقرارنده کاذب اولدیغنه ین ایش اولمسنه نظراً مدعی مرقومک تکرار تحایفه لزوم قانونی کوریله مامش اولدیغندن مبلغ مزبورک فائضیه برابر بالغ اولدیغنی طقسان سکر لیرا درت غروشک مرقوم واسیلدن تحصیله دائر غایباً لاحق اولان اعلامك اعتراض علی الحکم اوزرینه تصدیقه حکمنده ومستعینك اشبو حکم علیه نه لایحه سنده محرر باشلوجه اعتراضی کندوسی اقرارنده کاذب اولدیغنه دائر مدعی به تکلیف ایلدیکی یننک منقوض حقوق محکمه سی اعلامنده اجرا ایلدیکی مندرج بولمسنن دولای تکرار اجراسنه حاجت اولدیغنه ذهاب ایله محکومینه قرار ویرلسی مخالف قانون اولدیغندن بجه اعلامك نقضی استدعا سندن ومدعی علیهک نتیجه جوابی دخی حکم مذکورک موافق اصول وقانون اولدیغنی بیانیله تصدیق طلبندن عبارتدر .

ایجابی مذاکره اولدقدعه اعلام مذکور مألندن اکلاشدیغنی اوزره محکمه مذکورجه مستدعی تمیز واسیلک سند مذکورده مندرج اقرارنده کاذب اولدیغنه دائر مقرله مرقوم یورکینک اجرای تحلیفی لازم کلور ایکن مقدما دعوانك مرجعنك غیری اولان حقوق محکمه سنده رؤیتی اثنا سنده تحایفك اجرا ایدلش اولدیغنی سرشته سیله تکرار اجراسنه لزوم اولدیغنه قرار ویرلسی مغایر قانون اولدیغندن اصول محاکمه حقوقیه قانونك ایکویز اوتوز ایکینجی ماده سی موجبجه

اعلام مذکورک نقضه وقانون مزبورک ایکویز قرق دردیجی ماده سنك فقره اولاسی حکمنه توفیقاً کیفیتک اصولی دائره سنده تکرار بالرؤیه اعلامه ربطی ضمنتده محکمه مذکورده اعاده سنه و ایکویز طقسان سکر بچق غروش مصارف تمیزیه نك ایلروده حقتسر حقیقه حق طرفه عادی اولمق اوزره اول امرده مستدعین اخذینه ۶ تموز سنه ۳۱۸ تاریخنده متفقاً قرار ویرلدی .

اغا محمد بن حاجی اسماعیل طاشله ایغندن جرح ایدرک متأثراً وفاته سببت ویردیکی ادعا اولمسنن دولای جنایتله اتهام اولنان علی بن مشک بش سنه مدته کورک قولکسنه دائر کوناهیه سنجانیه بدایت محکمه سی جزا دائره سندن وریلان ۸۹ نومرولی اعلام

زوجیه سی حلیمه خانونی قتل ایلدیکی ادعا اولمسنن دولای جنایتله اتهام اولنان قره علی نام دیگرک باش اوغلی عثمانك اون بش سنه مدته کورک قولکسنه دائر قسطمونی ولایتی استیاف محکمه سی جزا دائره سندن اعطا قلمان ۴۰۴ نومرولی اعلام کوچک اسلام اوغلی محرمک دکاتی قیوسی آلت مخصوصه ایله آحق صورتیه اشیا سی سرقت ایلدکلری ادعا اولمسنن دولای جنایتله اتهام اولنان صفر بن حسن وزکریا بن رجیک اوچر سنه مدته کورک قولکرنه دائر لازستان سنجانیه بدایت محکمه سی جزا دائره سندن اعطا قلمان ۴ نومرولی اعلام

دوقه ولد یاقونی قتل ایلدیکی ادعا اولمسنن دولای جنایتله اتهام اولنان لنجه ولد پتره نك اون بش سنه مدته کورک قولکسنه دائر پرشته سنجانیه بدایت محکمه سی جزا دائره سندن اعطا قلمان ۲۴ نومرولی اعلام

تیمورشاه بن ابراهیمی قتل قصدیه جرح ایلدیکی ادعا اولمسنن دولای جنایتله اتهام اولنان شرف الدین افندیك اوچ سنه مدته کورک قولکسنه دائر مناسر ولایتی استیاف محکمه سی جزا دائره سندن اعطا قلمان ۳۵۷ نومرولی اعلام

یوان ولد استولی قتل ایلدیکی ادعا اولمسنن دولای جنایتله اتهام اولنان احمد بن اسماعیلک اون بش سنه مدته کورک قولکسنه دائر سیروز سنجانیه بدایت محکمه سی جزا دائره سندن اعطا قلمان ۱۲۱ نومرولی اعلام

حاجی حسینک خانه سنه بالدخول اشیا سی سرقت ایلدکلری ادعا اولمسنن دولای جنایتله اتهام اولنان کور عثمان ومصطفی بن ابراهیمک اوچر سنه مدته

کبره سندن حال فرارده بولنان مصطفی توفیق افندی حقتده اصول محاکمات جزائییه قانونك اوچوز تیش برنجی ماده سی موجبجه معامله مقتضیه ایفا و محاکمه غیاییه سی بالا اجرا نتیجه سنده مرقومک مذکور فعلله مجاسرت ایلدیکی ثابت اولدیغندن طولاندیریجیاقی فعلنك سبب شدت عدلیه ساخته کارلقدن طولانی جزا قانوننامه هایوننک یوز قرق سکرنجی ماده سنه توفیقاً اون بر سنه مدته کورک قولکسنه و اوتوز برنجی ماده قانونیه منطوقجه حقوق مدینه دن بالاسقاط اموال محجوزه سنك اصولی دائره سنده اداره ایتدیرلمسنه محکمه جنایتدن حکم اولمش و اصول محاکمات جزائییه قانونك اوچوز تیش یندیجی اوچوز تیش سکرنجی اوچوز سکسان برنجی ماده لرله مواد سائرهمی احکامنه توفیق معامله اولمسی مرجعه بیلدیرلش اولغله مذکور اوچوز تیش سکرنجی ماده نك جله احکامندن اولدیغنی اوزره اعلان کیفیت ابتهار اولنور .

در سعادت بدایت محکمه سی برنجی مرقوم دائره سنده : شیشلیده خانه سنده مقیمه عایشه خانمک باجحت شرعیه وکیلی حسنی یکک داود پاشا اسکله سنده قصاب الیاس محله سنده حمام قارشوشنده بر نومرولی خانه ده ساکن حمده افندی ذمتده مۆکله سی مومی الهانک باسند آله جنی اولان ایکویز عدد عثمانی لیراسنک تحصیلی حقتده اقامه ایلدیکی دعوانك یوم محاکمه سی مشعر تنظیم اولنان ورقه دعوتیه مومی ایله حمده افندی نك محل اقامته کوندردلیدی حالده بولنه مامش وعمله سی طرفندن وریلان شرحده دخی مومی الهیک الیوم اقامتگاهنک مجهول اولدیغنی کوستراش اولقدن طولانی اصول محاکمه حقوقیه قانونك یکرمی التنجی ماده سی موجبجه اوراق حوادثله تبلیغات لازمه ایفا اولدیغنی حالده یوم معیننده کلماش و حقوقی محافظه تعیین قلمان وکیل مسخر مواجهه سیله اجرا قلمان محاکمه غیاییه ده مومی الهیا عایشه خانمک وکیلی طرفندن ابراز ایدیلان برقطعه سنددن حمده افندی ذمتده اول قدر آله جنی اولدیغنی اکلاشلمش اولغله مبلغ مزبورک التیوز یکرمی طقوز غروش مصارف محاکمه سیله حمده افندی نك تحصیلی ۳۱ مایس سنه ۳۲۳ برقطعه صورت مصدقه سی محکمه دیوانخانه سنه تعلیق قلمش اولدیغنی اعلان اولنور .

تجارت محرمه محکمه سنه : غلطه ده کوریکیلرده کوچک یکی خانه ۴ و ۵

نومروده ساکن ایکن تجارت بحریه محکمه سندن افلاسنه حکم اولمش اولان قومیسونیجی بدروس حمایجیانک خصوصات افلاسیه سنك رؤیت وتسوییه سی ضمنتده دعوی وکیللرندن قسطنطنی قاپوس وقز انجیان شارام افندیلر اصالة سندیک تعیین قلمش اولدقلرندن مفلس مرقوم ذمتده آله جنی اولانلرک قانوننامه تجارتك ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی بر کون ظرفده سنداتی محکمه کاتبه تسلیم ایللری ومدت مذکورده ختامندن صکره اوچ کونده یعنی ۳۲۳ سنه سی تموزینک یکرمی اوچنی بازار ایتسی ویکرمی دردیجی صالی ویکرمی بشنجی چهارشنبه کونلری تجارت بحریه محکمه سنك مصالح افلاسیه رؤیتته مخصوص اوطه سنه کله رک سندیک افندیلر مواجهه سنده آله جققلری اثبات وقید وتصدیق ایتدیرملری ومدت مذکورده اثبات وجود ایده میان آله جققلر حقتده قانون مذکورک ۲۱۰ نجی ماده سنه توفیقاً ایفای معامله اوله جنی اعلان اولنور .

تجارت بحریه محکمه سنجه افلاسنه قرار ویرلش اولان بدروس حمایجیانک غلطه ده کوریکیلرده کوچک یکی خانه ۴ و ۵ نومرولی اوطه لری دروننده موجود مرانغوز وتیمور آلتنک مأمورین مخصوصه سی طرفندن بالزایده فروختی تقرر ایش اولدیغندن طالب اولانلرک اشبو تموزک بشنجی پنجشنبه کونی ساعت اوچ راده لرده محل مذکورده حاضر بولنلری اعلان اولنور .

ایکینجی تجارت محکمه سنه : چارشوی کیرده خالیجیلر زقاعنده دکانه مقیم جواهر تجارتیه مشغول س . رودیتی نك ۴ تموز سنه ۳۲۳ تاریخندن اعتباراً اعلان افلاسنه و مصالح افلاسیه نك رؤیت وتسوییه سی ضمنتده اعضای محکمه دن عزتلو صالح بک ژوز قومیسر ودعوی وکیللرندن یازیجیان طروس افندی ورسائی بک موقت سندیک تعیینلرینه و مغازه سیله دیولرندکی اشیا ی زائده بیتیه سنك تمهیرینه و اوراق و دفاترینک جنبه وکفالت مصدقه اراده ایدمدیکی تقدیرده حبس وتوقیفه وبوبابده کی قرارک موقتاً اجراسنه ایکینجی تجارت محکمه سنجه قرار ویرلش اولدیغندن قانوننامه تجارتك ۱۷۰ نجی ماده سی موجبجه دائمی سندیکلر انتخاب اولمق اوزره اشبو ۳۲۳ سنه سی تموزینک اون سکرنجی چهارشنبه کونی ساعت الی راده لرده اصحاب مطلوبک محکمه مذکورده نك مصالح افلاسیه

مُحَامَلَاتُ الْاَنْبِيَاءِ هَيْتِه

بیوک چکمه قضای ضابطه مأموری سواری ژاندارمه یوزباشیسی احمد وقضاء مذکور بدایت محکمه سی مدعی عمومی معاوی وکیل قومیسر حللی افندیلرک خلاف قانون معاملاتله جرأت ایتدکلری در سعادت استیاف محکمه سی مدعی عمومیلکنندن وارد اولان اوراق تحقیقه مندرج اتندن مستبان اولمسنه مینی مومی الیه احمد افندی حقتده توحیداً تعقیبات اجرا اولمق اوزره وکیل مومی الهیک محاکمه آلتنه آلتسنه عدلیه نظارت جلیله سندن مآذونیت وریلرک مذکور مدعی عمومیلکه تبلیغات مقتضیه اجرا ایلدشد .

الاعانات

در سعادت استیاف مدعی عمر میلکنده : ساخته کارلق و طولاندیریجیلق ماده سندن طولانی مهم اوقاف هایون نظارت جلیله سی جهات قلمی

رؤيته مخصوص اوطه سنه كلري اعلان اولتور .

بك اوغلنده حلب چارشوسنده مقيم بقاليه تجارتيه مشتغل قوزوس كهيا نك ۳ تموز سنه ۳۲۳ تاريخندن اعتباراً اعلان افلاسنه و مصالح افلاسيه نك رؤيت وتسويه سي ضمنتده اعضاي محكمه دن سعادتلو رضا بكك زوز قوميسر ودعوى وكيللرندن خالد بك ايله كل بابا واسيلا كي افدينك موقت سنديك تعيينلرينه ومغازه سيلاه اشياى زائده بيتيه سنك تمهيري نه واوراق ودفاترينك جلبه وكفالت مصدقه ارايه ايدمه ديكي تقديرده حبس وتوقيفه وبوباده كي قرارك موقتاً اجراسنه ايكنجى تجارت محكمه سنجه قرار و يرلمش اولديغندن قانوننامه تجارتك ۱۷۰ نجى ماده سي موجبنه دائمي سنديكلر انتخاب اولمق اوزره اشبو ۳۲۳ سنه سي تموزينك اون سكزنجى چهارشنبه كوني ساعت آلتى راده لرنده احباب مطلوبك محكمه مذكوره نك مصالح افلاسيه رؤيته مخصوص اوطه سنه كلري اعلان اولتور .

مناظر قضاسي بابت محكمه سي جزا دائره سنده

سلورينك ارمني محله سي سكه سنندن قاپيك ولد آغوي قتل قصديه جرح ايتديكي ادعاسيله متهم قصبه مذكوره نك روم محله سي ساكنلرندن اولوب زمان وقعه دن برو حال فرارده بولسان اورته بويلى ، الا كوزلى ، عادات برون واغزلى ، مدور چهره لى ، بغدادى رنك وكنيش آينلى ، قرال بيقلى مطروش اوتوز سكز ياشنده قوچو ولد لئونيدا الله ايديله مامش اولديغندن اصول محاكمات جزاييه قانونك اوچيوز يتش برنجى ماده سنه توفيقاً وتاريخ اعلانندن اعتباراً قرارى مرقومك محكمه يه كلسي ضمنتده مقام رياستدن كندوسنه مجدداً اون كون مهل اعطا قلنمش اولمغله مدت مذكوره ظرفنده محكمه يه كلديكي حالده قانونه اطاعت ايتامش نظريه باقيه رق محاكمه غيابيه سي بالا اجرا حقوق مدنيه دن اسقاط قلنه جنجى وبوباده بركونه ادعايه حقى اوله ميه جنجى ومحاكمه غيابيه سي ائنده اموالك حجز آلتنه آلتنه جنجى كبي بولنديغى محلى بيلنلر خبر ويرمكه وبالجملة ضابطه عدليه مامورلرينك كندوسنى در دست ايتكه مجبور بولندقلرى بيانيه اعلان كيفيت اولتور .

بك اوغلى بابت محكمه سي اجرا دائره سنده :

يره ووم پاپاسيان افدينك اسپاسيه بنت ني قوله دمتده محكوم به آله جنجى اولان ايكينوز يكرمى اوچ ليراي عثمانيك مع فائض ومصارف محاكمه تأمين استيفاسي ايجون مديونه نك عهدۀ تصرفنده اولوب

داين مومى اليه نامنه وفاء مفروغ وفروختى محكوم بولنان بك اوغلنده قرخاتون محله سنك التى زقاغنده كان قاسم پاشا جبايته تابع وقف اولوب حدانتقالى توسيع قلنمش اولان اوچ نومرولى بر باب خانه لى المزايدة اون سكزيك غروش آلتون اقچه بدل ايله داين عهدۀ سنده تقرر ايدرك موقت قرار داده سي چكلمش اولديغندن اشبو اعلان تاريخندن اعتباراً اوتوز بر كون ظرفنده لا اقل يوزده بش ضم ايله مذكور خايه طالب اولانلرك يوزده اون نسبتده كي ني اقچه لرينى مستصحباً بك اوغلى بدايت محكمه سي اجرا دائره سنه مراجعت ايتلري ومدت مذكوره ختامه مصادف اولان شهر اغستوسك التيجى بازار ايرتسى كوني ساعت سكز قرار لرنده صوك مزايده عليه اجرا وقرار داده قطعي سي كشيده اولمق اوزره املاك مذكوره پيشكاهنده مامورى مواجهه سنده حاضر بولملري اعلان اولتور .

نازلى قادينك آرنيف وكريمه سي اراقس قادينلر دمتلرنده بك اوغلى بدايت محكمه سي برنجى حقوق دائره سي اعلاميله محكوم به آله جنجى اولان مبالغ معلومه نك تأمين استيفاسي ايجون مديونه لرك بوغاز ايجنده كرج بروننده واقع خانه لرنده موجود حجز آلتنه آلتان وبوكره فروختى قرار كير اولان برعدد جاملى بوفه وبر عدد آينيه لى لاويتمان وخراسان جنسنندن برعدد كير خالى وبوكا مائل اون بر قلم اشياى بيتيه شهر تموزك سكزنجى بازار كوني ساعت بشدن طقوزه قدر محل مذكوره بالمزايدة فروخت اولنه جغندن طالب اولانلرك ني ومزايده اقچه لرينى مستصحباً محل مذكوره مامورى مواجهه سنده حاضر بولملري بك اوغلى بدايت محكمه سي اجرا دائره سنندن اعلان اولتور .

تكفور طاعنى تجارت محكمه سنده :

معلقره قصبه سنك ياش چشمه محله سننده مقيم نعل وميخ تجارندن آراب اوغلى قاپريك ۲ تموز سنه ۳۲۳ تاريخندن اعتباراً اعلان افلاسنه و مصالح افلاسيه نك رؤيت وتسويه سي ضمنتده اعضاي محكمه دن محمد افدينك زوز قوميسر ودعوى وكيللرندن طوماس افدينك موقت سنديك تعيينلرينه وتجارته كاهيله خانه سنده موجود اموال واشياى زائده بيتيه لرينك تمهيري نه واوراق ودفاترينك جلبه وبوباده كي قرارك موقتاً اجراسنه تكفور طاعنى تجارت محكمه سنجه قرار و يرلمش اولديغندن قانوننامه تجارتك ۱۷۰ نجى ماده سي موجبنه دائمي سنديكلر انتخاب اولمق اوزره ۳۲۳ سنه سي تموزينك اون يدنجى صالى كوني ساعت التى راده لرنده احباب مطلوبك محكمه مذكوره نك مصالح

افلاسيه رؤيته مخصوص اوطه سنه كلري اعلان اولتور .

محكمه صغير قضاسي بابت محكمه سي اجرا دائره سنده :

تجارندن بكر سامى افدينك حمديه قريه سنده مقيم احمد وبرادري راسم اغالر دمتده با اعلام مطلوباتى اولان مبالغ معلومه نك تأمين اخذ واستيفاسي ضمنتده مديونان مرقومانك عهدۀ تصرفنده بولسان حمديه قريه سنده متريس جوارنده پدرلرندن منتقل تخميناً اون ايكي بچق دونم برطرفى عواص قريه سي طريقي وبرطرفى شمسى اغا ترلاسى وبرطرفى متريس چفتلكى يولى وبرطرفى فهمى افندى ترلاسى وينه محل مذكوره تخميناً اون ايكي بچق دونم وبرطرفى متريس چفتلكى يولى وبرطرفى بوشناق نورى اغا ترلاسى وبرطرفى يكي يول وبرطرفى بوشناق حسن افندى ترلاسيه محدود ايكي ترلا وينه پدرندن ارثاً منتقل پاشا چايرنده برطرفى يول وبرطرفى عثمان بابا ترلاسى وبرطرفى عمر اغا ترلاسى وبرطرفى دخى مرعى ايله محدود تخميناً اون ايكي بچق دونم ترلا وحمديه دروننده جمعه محله سنده ابراهيم اغا جاده سنده برطرفى سعيد اغا والده سي خانه سي وبرطرفى پراز احمد اغا ورثه سي خانه وباغچه سي وبرطرفى عثمان واحمد اغالرك خانه وباغچه سي وبرطرفى طريق ايله محدود بيك التى يوز آرشون عرصه دن طقوز يوز آرشون عرصه تاريخ اعلانندن اعتباراً اون بش كون صكره بالمزايدة فروخت اولنه جغندن طالب اولانلرك ودها زياده معلومات آلمق ايسيتلرك ني اقچه لرينى مستصحباً چكجه صغير قضاسي بدايت محكمه سي اجرا دائره سنه مراجعت ايتلري اعلان اولتور .

سجرخانمك خديجه خانم دمتده با اعلام مطلوباتى اولان مبالغ معلومه نك تأمين اخذ واستيفاسي ضمنتده مديونه مزبورده نك عهدۀ تصرفنده بولسان آصمه آلتنده عتيق التمش بر نومرولى شرقاً سلورى قپوسنده بالا تكيه سي شينجى فضيلتو محمد افندى غرباً تجارندن جمال بك دكانلرى وشمالاً مصر چارشوسى وجنوباً طريق عام ايله محدود تخميناً الى آرشون عرصه اوزرينه مبنى مع بودروم ايكي قادن عبارت اولوب دروننده چاي فروخت ايدلمكده اولان دكان تاريخ اعلانندن اعتباراً اون بش كون صكره بالمزايدة فروخت ايديله جكندن طالب اولانلرك ني اقچه لرينى مستصحباً چكجه صغير قضاسي بدايت محكمه سي اجرا دائره سنه مراجعت ايتلري اعلان اولتور .